



Ислом Нури

Абдулкарим Котиб
Юсуф Ахмад таржимаси

Суюкли дўстим! Тасаввур қил, бироздан сўнг хузурига
Пайгамбаримиз Мухаммад саллоллоху алайхи ва саллам кириб
келадилар... Сен ҳеч ҳам ҳаёлингга келтирмаган ташриф... Нима
қилган бўлардинг? Ахир у зот бу ер устида юрганларнинг энг
яхшиси... Бу оламда ўтган жамики ҳукмдорлару донишмандларнинг
энг афзали... Раҳмоннинг суюкли халили солаллоху алайхи
васалламдирлар... Ана ўша зот сенинг эшигинг остонасида
турибдилар... Сени зиёрат этмокчилар...

Сен аввал ўйлаб кўр... Хозир нима қиласан? Бугун ҳаётимдаги энг
бахтиёр куним, ахир кимсан пайгамбаримиз бизникига келдилар
деганингча, унутилмас бўлган ушбу дамларда кўзларингдан хаяжон ва
хурсандчилик ёшлари билан у зотга пешвоз чиқарсан? Ёки бироз
тараддудланиб қолиб, жавонингда қалашиб ётган турли туман чет эл
қушиқчиларининг хонишлари ёзилган кассеталар ўрнига Куръони
карим тиловати, фойдали мавъизалар ёзилган кассеталарини териб
қуйиш учун югуриб қоласанми?

Беҳаё, зулму- зўравонликни тарғиб қилувчи, мазмунсиз видео
кассеталарингни ҳам яширарсан? Хонанг деворларини тўлдириб ётган
беҳаё суратларни-чи? Уларни ҳам қўчириб, улоктириб ташлайсанми?
Ахир Росулulloх саллоллоху алайхи ва саллам бу манзарани
қўрсалар қўпам хурсанд бўлмасалар керак!!!

Ювиниш хонасидаги тиш чўткаларинг ёнига пайгамбаримиз
суннатларига эргашаётганингни билдириш ва у зотга эхтиромингни
зохир қилиш учун мисвокни ҳам қўйиб қўясанми?



Ислом Нури

Сенчи муслима синглим, кандай кутиб оласан Росулulloхни?! Балки неча йиллардан бери ўзингга ор билиб, қарор қилолмайд юрганнинг шаръий либосингни ўшанда ўраб чиқарсан? Ё шундай ахволингда, сочларинг бир алфозда турмакланган, эгнингда тор кийимлар, юзингга турли буёқлар чапланганича қарши оласанми у зотни? Сени бундай ҳолатда топсалар уй соҳибаси муслима киз эканлигини билармиканлар? Ёки исломий одоб – ахлоқни энг оддий кўринишларидан ҳам бенасиб бўлган овруполик бир актрисани эшигини қоқибман шекилли деган гумонга борармикинлар?

Ота –онангга ҳам эҳтиром ва улар ёқтирган сўзлар ила муомалада бўласанми? Уларни ҳар бир айтган юмушларига сўзсиз итоат этасанми?

Ёки уларга Росулulloхни зиёратларидан олдин бўлганинг каби уларга бақариб, кўрслик қилиб, уларнинг буйруқларига итоатсизлик қилишда давом этасанми? Ва бу ишларинг билан Аллоҳ ва Росулини кўрсатмаларига осийлик қиласанми?

Агар Сарвари қоинот сендан: Мен сендан бомдод намози, жамоат намозлари, тунги намозларида қоим бўлиш ҳақида сўрамайман, чунки, шубҳасиз, булар сенинг ҳаётингда муҳим ўрин тутган ишлардир шундай эмасми? деб сўраб қолсалар нима деб жавоб қилар экансан?

Ўша вақтда нимани ҳис қиласан?... Уятми? Хиҷолатми? Афсусланишми?... Ёки буларнинг барига мунофиққа ўхшаб бепарволарча тиржайиб тураверасанми?

Сени неча ойлардан бери бомдод намозини адо этмаётганингни билиб



Ислом Нури

колсаларми... Умринг бино бўлиб атиги бир марта Куръонни кўлингга олиб ўқиганинг хақида дўстларингга мактаниб юрганинг хақида хабар топсалар нима деркинлар...

Сенга караб: -Койил, сен Ислом ва мусулмонларнинг фахрисан дермикинлар ёки газабдан юзлари кизарганича уйингни ташлаб чикиб кетармикинлар... Нима деб уйлайсан?

Саййидимиз билан нима хақида сухбат курасан? Мусулмонларни бугунги кунда олам узра чекаётган аламлари, зулму-жафолари хақидами?... Ёки дин илмлари... Мусулмонлар тарихи... Умматни келажаги, диний ва дунёвий, илми ва амалий ривожланиши, тараккиёти хақидами? Ё сен хозиргина телефонда гаплашган, доим бирга концертлару клубларга борадиган дўстинг хақида сўзлаб берасанми? Ёки Британиядаги кўшикчилар гуруҳи хақидаги охирги миш-мишларни... Мисрлик кино юлдузи... Италиялик уйинчининг сочи хақидаги киссани айтиб берарсан... Балки футбол бўйича охирги натижаларни... Ресторанлардаги турли таомлар, ичимликлар тури хақида хикоя киларсан...

Азиз дўстим сен буларни кўз олдингга келтириб кўрдингми? Ёки ушбу калималарга факатгина эътиборсизлик билан кўз югуртириб кўйдингми? Ўтган умрга озгина бўлсада надомат чекдингми? Сен Росулulloх саллоллоху алайхи ва салламнинг бир зумлик зиёратларига хали тайёр эмаслигингни хис этдингми? Бундан хам кўра Аллох таолони хар лахза, туну-кун сени кузатиб турганини лекин шу билан бирга кундузги гунохларни кечаси, кечаси килинган гунохларни кундузи кечириш учун тавба эшикларини очиб кўйганини ёдингдан чикардингми?. Ул зот туннинг иккинчи ярмида сўраганга ато этувчи, магфират сўраганнинг тавбасини қабул этгувчидир.



Ислом Нури

Сенга нима бўлдики калбинг котиб қолибди... Кўнглинг дагаллашиб қолибди... Сендан қочаётган дунёнинг ортидан қувиб юрибсан... Аллох таъоло сенга хар куни очаётган минглаб тавба ва муножот эшикларидан эса юз ўгириб қочмоқдасан...

Азиз дўстим ! ҳеч шубҳасиз сен қиёмат куни ушбу рисола эслайсан. У кунда сен икки кишининг бири бўласан. Ё рисола ўқиғач ҳаётини яхшилик тарафига ўзгаришига сабаб қилгани учун Аллохга ҳамд айтган киши ёки ўқиган бўлсада унга амал қилмаган, оқибатда ушбу рисола қиёмат куни Аллохнинг ҳузурда унинг зарарига ҳужжат бўлиб қолгани сабаб қаттиқ надоматга учраган киши...

Дўстим ! вақтлар ўтиб қолмасдан аввал тавбага шошилгин, Аллох сендан рози бўлсин.